

土皇君降大慈之恩流罔極之澤垂救度之  
福賜更造之仁使道達神氣和合靈官衛護  
其身原赦宿新無量罪咎特獎即今改悔丹  
誠以是功德歸流其七廟之靈九玄七祖一  
切先亡同得離幽苦上昇福堂轉輪成具利  
祐見在使陵廟墳墓肅寧殃注斷絕官宅安  
穩惟夢消除二儀交泰則七曜調明風雨以  
時暄涼應節黎庶咸安兵戈止息天下太平  
醜虜歸降其苦甚病即蒙差愈或官司盜  
賊即得免過隨眾災度脫壽命延長  
皇家道德日盛四海災消禎祥雲集八節安  
和一切羣生成蒙福慶俱服正教回歸自然  
得道之後與皇合真

洞玄靈寶河圖仰謝三十六土皇齋儀卷四

靈寶半景齋儀且至午

清旦第一朝

先門啟白意

次白道

次華夏讚引至地戶

次各禮師存念如法

次衛靈神咒

次鳴法鼓二十四通

次發爐

無上三天玄元始三炁太上老君召出眾

官等身中三五功曹左右官使者左右捧香

驛龍騎吏侍香金童傳言玉女五帝直符直

日香官各三十六人出闕啓此間土地里域

真官正神臣今正爾燒香奉為大道弟子其

修設靈寶半景妙齋一中祈恩懺罪謝過消

災保護平安希求福祐願得太上十方正真

生悉降流且及齋主弟子等身中令臣所啓

速達遐御

太上無極大道至真玉皇尊帝御前

次各稱法位

化一

具法位臣某等謹同誠上啓

虛無自然金闕天尊無極大道太上大道君

太上老君高上玉皇十方已得道大聖眾至

真靈寶天尊三十二天帝君玉虛上帝玉帝

大帝東華南極西靈北真玄都玉京金闕七

寶玄臺紫微上宮靈寶至真明皇道君玄中

大法師北極帝君天地水三官九天司命真

君九天使者真君三界官屬一切真靈巨聞

大道無名強啓不言之教天尊出世特開正

法之門於是玉律宣行金科闡化既有祈求

之路爰昭應感之機臣等學業因師叨俸儀

式凡有信心歸向須陳陳改威容欲導精誠

先呈詞疏

次讀詞

具如詞奏聖道以聞伏惟

太上三尊垂光照鑒齋主弟子伏聞玄元設

教常善救人太上真風弘慈被物度有心於

福善接回向於榮嚴臣等受法之時約令級

引存玉皇而俯仰祈真聖以來臨今故燒香

歸身歸神歸命

十方無極太上靈寶自然天尊乞降道場受  
斯供養隨巨關奏願賜恩光使齊主弟子其  
福果周圓功德成就誠罪得於已往希善慶  
於將來家眷平安公私康泰九玄七祖承功  
德以道遙土地龍神奉靈恩而祐助今故燒  
香自歸依師尊大聖眾至真之德得道之後  
昇入無形與道合真

次禮方  
次懺悔

巨等伏聞大道強名天尊應號御金闕玉京  
之上見十方三界之中照群生垂日月之光  
貨品物布四時之蒸凡有析告隨願感通今  
時謹有齋主弟子其投詞丹慄啓露玄師請  
立道場奉修齋法祈具落請願降香延稽首  
天尊歸命懺悔伏恐弟子其自從曠劫及  
今時父母宗親至于眷屬三業造三千之罪  
六根為六賊之愆生世生身有罪有咎今日  
設齋懺悔敬禮  
十方無極太上靈寶天尊伏願罪滅福生愆  
消過息年歸善壽命益延昌九祖生天一門

慶泰禍沉未兆福起自新稽首歸依正真三  
寶

次三答頌  
次三禮  
次稱名位

具法位巨其等謹重上啓  
太上無極大道太上道君太上老君高上玉  
皇無上玄老十方已得道大聖眾至真靈寶  
天尊三十六部尊經玄中大法師天地水三  
官三界官囑一切威靈巨等服佩師寶傳經  
受錄先約立齋塵世常轉法輪後及剋意修  
真存三守一凡有人天請命當須依按科儀  
布露壇場裝嚴眾設具其齊意關奏上聞齋  
主詞文向已宣讀兼持法信披訴望恩伏惟  
無上虛皇自然尊帝賜靈與於碧落照度告  
之丹心齋功克遂於周圓福果盡蒙於昭著  
洪恩燭祐使萬禍以消除靈澤降臨陽子災  
而殄滅伏願齊主身安命泰福極增榮家眷  
女男俱資長壽九玄七祖三代家先受齋福  
以道遙各生天而自在住宅龍神土地城隍

廟貌靈祇皆承降謝之功悉助善緣之德則  
上明

次十念  
次復爐

次小學仙讚  
次回向讚畢散如常儀  
平旦第二朝

自唱道至發爐並如前法只不宜齋靈神呪  
無上三天玄元始三炁太上老君召出巨眾  
等身中三五功曹左右官使者左右捧香驛  
龍騎吏侍香金童傳言玉女玉帝直符直日  
香官各三十六人出開啓此間土地里域具  
官正神巨今正爾燒香奉為大道弟子其修  
設靈寶車景妙齋一中祈恩懺罪請福消災  
願得太上十方正真生炁降流巨及齋主弟  
子身中今巨所格速達運御  
太上無極大道玉皇尊帝御前  
次各稱名位  
具法位巨其等謹同誠上啓

虛無自然金闕天尊無極大道太上大道君  
太上老君高上玉皇十方已得道大聖東至  
真靈寶天尊三十二天帝君玉虛上帝玉帝  
大帝東華南極西靈北真玄都玉京金闕七  
寶玄臺紫微上官靈寶至真明皇道君玄中

大法師北極帝君天地水三官九天司命真  
君九天使者真君三界官屬一切威靈巨闕  
大羅空寂中分九虛大包億萬之天獨止法  
王之極轉法輪於天上流真教於人間師寶  
相承玄風廣扇立九真之玉律修七聖之金  
科祈求之疏爰申齊法之門遂啓巨等早蒙  
師教受籙傳經先弘濟度之心以副人天之  
請既奉詞疏合具奏聞

次讀詞

具如詞奏玄鑿以聞伏惟

太上三尊聖慈昭覽躬願虔祈之懇賜留不  
恃之恩臣等以滌滌身心恭行關告降真聖  
於九天之上禮天尊於十極之中齋主事專  
備香花嚴陳供養時也金雞報曉玉漏將終  
展此席之威儀按三時而行道祈恩有所請

福周勤既陳初上之香先用祝堯之壽運茲  
初捨上香供養

玉清聖境元始天尊願以是功德先用上寶  
當今皇帝陛下伏願天長寶位地久居尊聖  
明齊日月之明皇化並唐虞之化比辰同德  
南面永光乘景運於千年扇薰風於萬國諸  
王太子磐石彌堅將相諸侯臣安社稷時豐  
俗阜天下和平災害不生民安物泰今故燒  
香自歸依師尊大聖眾至真之德得道之後  
昇入無形與道合真

臣聞香花二奏騰搖曳於三清福報見存遠  
薰修於九祖積善之家先德有餘之慶追思  
運茲二捨上香供養

上清真境虛皇靈寶天尊願以是功德奉為  
齋主九祖七玄三代家先伏恐父母因緣造  
諸罪業未脫三塗五苦沉淪萬劫之愆伏願  
承此懺悔俱蒙蕩雪冠帶裝嚴之境迢遙自  
在之天福騰家門子孫光顯今故燒香自歸  
依師尊大聖眾至真之德得道之後昇入無  
形與道合真

臣聞名香三上達金闕之齊心煙散玉花滿  
十方而供養請福之期必應求恩之果感通  
運茲三捨上香供養

太清仙境玉皇太極天尊願以是功德奉用  
保持齋主共伏願真靈降祐消世之上三災  
道悉護持度人間之九厄赦愆尤於已往恕  
過犯於將來壽算增延年命長遠福祿叶四  
時之慶官榮光極品之稱眷屬女男盡蒙康  
泰境土樂農桑之業市鄴臻百貨之財土地  
龍神共資陰隲今故燒香自歸依師尊大聖  
眾至真之德得道之後昇入無形與道合真

次禮方

次懺悔

臣聞玉皇端御強為之容弘慈而天地圓通  
恕宥而神明方便眾生造罪懺悔能消日久  
過愆首陳皆雪今時齋主弟子其歸依大道  
敬念清齋稽首天尊歸命懺悔伏恐弟子六  
根造罪三業為愆世懼之災生虞九厄又恐  
前身過犯見報愆尤害命殺生冤家債主爰  
從多劫父母種親無量罪源宣陳難盡今日

設齋至心懺悔敬禮

十方無極太上靈寶天尊乞赦于愆萬罪過  
犯深究使赫日恩威霜消雪釋年增福善日  
免凶災家眷康寧身躬慶泰先亡玄祖承善  
果以逍遙土地龍神保公私而清吉禍沉九  
夜福起十方稽首歸依正真三寶

次三階至重稱名位並如前法  
具法位且恭等謹重上啓

太上無極大道至真玉皇上帝太上老君九  
天使者真君三十六部尊經玄中大法師三  
界官屬一切威靈臣聞道德巍巍難窮衆妙  
龍漢蕩蕩何能別真蓋天尊垂旨浮黎之天  
遂轉法輪之境初傳天上漸降人間師資相  
傳法教彌廣臣以稟承明訓禪讀真風先弘  
接世之心後志修行之道凡人天請命事  
須開置壇場存太上於法廷具詞章而啓奏  
陳其齋意宣遠上聞齋主墨詞向已披露伏  
惟玉皇大道金闕天尊賜視丹誠聽宣詞疏  
伏乞齋主其赦見生之罪障消已往之愆尤  
賜八景之玄思注九天之善福祿延南斗命

益東華家眷平安各增壽算免三災於歲月  
除九厄於年庚然願七祖靈儀先亡神識旁  
及追修之力俱承解脫之功各遂逍遙受生  
常樂住宅龍神禁忌城隍社令廟貌靈祇同  
資啓謝之恩皆作護持之力則上明  
天尊弘慈之澤下副臣等歸命之誠謹啓

次十二願敬如常儀  
已時第三朝

自唱道至發鑪並如前法不宜衛靈神呪  
無上三天玄元始三炁太上老君召出臣衆  
等身中三五功曹左右官使者左右捧香驛  
龍騎吏侍香童童傳言玉女五帝直符直日  
香官各三十六人出關啓此間土地里域真  
官正神臣今正爾燒香奉為大道弟子其修  
設靈寶半景妙齋一中三時行道祈恩懺罪  
請禍消災願得太上十方正真生炁降流臣  
等身中臣所啓速速運御  
太上無極至真玉皇上帝御前  
次各稱名位  
具法位且恭等謹同誠上啓

無上虛皇金闕天尊太上真皇無極天尊高  
上玉皇太極天尊太上玉宸大道君太上玄  
元老君十方得道大聖眾至真諸君丈人三  
十三天帝玉虛上帝玉帝大帝東華南極西  
靈北真玄都玉京金闕七寶玄臺紫微上宮  
靈寶至真明皇道君玄中大法師九天司命  
真君九天使者真君北極大帝天地水三官  
三界官屬名山洞府一切真靈臣聞空洞之  
前虛無何有既結自然之炁強名大道之稱  
於是扑散分元成天立地融先發妙唯神大

明立天子而置三公有師資而弘教法自此  
真經降世科律宣行茫茫欲海之中得為舟  
楫倍倍愛河之上憑作橋梁救群生於八苦  
之門度厄禍於三災之運廣留齋法特濟人  
天臣等恭職玄科俾弘誓願凡有信心所請  
具有詞疏宣呈  
次讀詞  
具如詞奏情理備陳衆聖已聞虔祈懺切伏  
惟虛皇大道無上慈尊鑒照俗心乞垂聽覽  
臣聞天專寂然不動見形於三界之中玄德

感而遂通應念於群生所告齋主弟子其特將齋法啓黷真靈薦香騰搖曳之花供養設芳馥之饌巨等恭行闡奏希達上聞既蒙昭佑之恩必降護持之力謹以初檢上香供養虛無大道金闕天尊願以是功德奉為齋主先用仰祝

當今皇帝陛下伏願聖躬萬歲寶位億壽齊日月之大明等乾坤之永壽垂衣問道窮象帝於希夷端拱凝旒協華封之獻祝諸王太子光玉樹於龍樓文武重臣耀功名於麟閣薰風廣扇淳化弘流天下清平民康俗阜今故燒香自歸依師尊大聖眾至真之德得道之後昇入無形與道合真

且聞道力無形強名功德死生重罪回向能消宜持二上之香冲雪九玄之苦謹以二檢上香供養

無極大道眾聖願以是功德奉為齋主家先亡後化七祖九玄三代魂儀一門宗屬伏願赦三塗之苦對昇十極之福堂步八景以道遙證六通而自在面朝真帝親視法王福蔭

見存永流餘慶今故燒香自歸依師尊大聖眾至真之德得道之後昇入無形與道合真凡心而立教欲降九天之福宜騰三上之香謹以三檢上香供養

玄元大道無上天尊願以是功德將用保持齋主伏願玄恩賜祐東華益算於命宮靈澤降流南斗延生於祿位壽山增峻福海淵深居官寵極於人臣榮慶顯光於九族處私保安於動止年庚康泰於四時眷屬一門尊卑男女各比松筠之操直堅金石之類千靈隨

懺以雲消萬禍因齋而雨散住宅寧謐財帛豐饒蠶吐八絲田登九穀經求稱意市井駢闐然及六道冥靈悉霑餘福今故燒香自歸依師尊大聖眾至真之德得道之後昇入無形與道合真

次禮方  
次懺悔

且聞多事過生罪莫大於可欲道生安靜福莫積於善緣故三災因三業而行九厄隨九

竅而作既有六根之患拘成四大之身茫茫生死之中擾擾愛貪之內賴神僊救世教闡多門齋法弘宣濟其沉溺齋主歸依大道開置法筵稽首天尊至心懺悔伏恐弟子未前生今世行止施為疊疊愆尤海深山積今日

設齋啓謝敬禮十方無極太上靈寶天尊惟願赫厥靈之恩澤蕩無妄之災虞年資福壽以增新命叶善祥而延益先亡七祖各遂道遙見在尊卑盡蒙康泰禍猶冰釋福若川臻稽首歸依正真三寶

次三啓至重稱法位並如前法

具法位巨某謹重上啓  
闕座真靈一切主者巨等夙生餘慶浩劫信根出煩惱之愆塵入真師之法守人間天上相次提携莫知出沒偽真寧則去來凡聖神仙妙典經教科儀先弘濟俗之心後詣修行之路每遇人天祈福事須闢奏法筵存虛皇於寥廓之中降太上於道場之內今有齋主某持設詞疏修此妙齋已呈三奏之儀庶滿十全之禮備以香花燈燭果饌獻誠瞻尊像

以傾心竭慮情而供養願以是功德並用保  
持齋主某伏願壽山增峻福海添波實錄算  
於椿松保年命於龜鶴居官則位崇極品長  
作重臣處私則身運亨通神明助祐宅多慶  
泰人口平安九玄七祖先代專魂一切有情  
咸歸至化則上明

天專至真之德下副巨等歸命之誠謹啓以  
聞

次十二願兼如  
午朝罷散白讀三獻文

自唱道至發爐並如常儀

次各稱法位

具法位巨某等謹同誠上啓

太上無極大道太清玉陛下中黃九土十二

仙官五土神君九宮八卦日月星宿天曹地

府太歲將軍土漂神將四面方位一切威靈

巨聞天元定紀土德居尊清淨濁礙八方期

判圓象復西迴之道方輿飛東注之流鬼神

之理既彰陰陽之功益著五行造化萬物咸

生允處巢居京觀官殿上棟下宇方傳先聖

神功戶牖鑿開始自上皇洪範六十甲子納  
音於五行變通十二時辰司禁於二七方位  
伏以水漿泛溢住宅重興動土興工鼎新換  
舊益虞觸犯是用懸陳伏惟許允于祈再拜  
奉請

次第一獻上香上茶上酒

巨謹上啓

天父太陽上帝地母太陰尊神北極紫微五

靈太微帝君北斗七元三台九曜二十八宿

天地水三官九地真皇四司五帝宅後禁忌

十二時辰三百六十禁旬百二十殺方位城

隍土府五行一切至神巨今謹為弟子緣宅

宇以闢修遠命工而添換既多損動掘鑿高

深慮恐觸犯龍神驚搖禁忌具陳懇謝布露

香燈祈福祐於上具謝愆尤於下土備將丹

懇錄在素函弟子詞文謹當宣奏

次讀詞

具如詞狀玄覽周知巨聞天覆地載日月流

輝星夜運度於上天人物稟承於下土五行

運化陰陽變通惟神惟靈有禁有忌今有某

夙承祖業繼嗣前風節鎮藩宣職臨府郡准  
上有功之作得無動土之勞莫不下掘井泉  
上崇臺榭耀華堂宇構造庭除換舊添新惟  
加壯麗掘鑿恐傷於龍將興工慮犯於神明  
所以虔奉道門請陳科法嚴施醮禮供設香

燈繒綠鎮方命財質信銀錢馳馬逐位獻陳

酒脯飛觴祭神如在伏惟四司五帝土府真

官軫鑒駕於九宮降照延於十地領納誠禮

賜福留恩使眷屬無災害之虞宅宇有周圍

之慶經營叶泰出入咸安五土城隍歡喜成

就再拜

次第二獻上香上茶上酒

巨謹重上啓

真靈上帝五土尊神巨聞造化之初陰陽有

物變穴處巢居之代歸京城官殿之朝莫不

挺垣範金斧斤斷木上棟下宇城壘堤防蚩

尤拒敵於軒轅兵甲遂流於後代天文垂象

五行通變於百神地理分形八卦統成於萬

化一十二辰之官府六十甲子之納音博古

自此而禁方上郡因茲而避忌舉家動用民

庶行藏先宜揀日棟時利方而吉況今國家  
詔命使主新臨公署興修葺之功使宅動廣  
深之後莫非振鑿煥赫重新九宜難測於凶  
方人物恐生於災患舉家懷慮戶主知修依  
道門謝過之科醮設五方土德伏惟五方五  
帝十二時辰土府城隍宅神禁忌納闔宅之  
醮席領齊主之虔祈興祐家宅克昌盛族蟻  
蠶結秀倉箱寶盈宅宇功成裝修事遂惟神  
懼喜仰荷靈恩再拜

○ 次第三獻上香上茶上酒

○ 謹重上啓

天父地母五土尊神闔座眾聖及諸靈位  
謹為弟子醮設百神祇謝五帝盡賜威光聽  
茲關陳許從謝過領納醮禮鑒映蘋蘩祐助  
闔家益昌人口門庭受福戶牖歡心願從今  
醮之後五帝順行之化四神和敘之恩八卦  
興八節之康九宮降九天之慶太歲正當生  
之道太陰滋祿授於人將軍專鎮化之權月  
將致福祥之任青龍白虎振威武於宅門朱  
雀北玄耀文章於戶牖玉堂金匱天德明堂

長招富貴之人永保門庭之祿今則四向懸  
於寶鏡五方立於星刀照十二位之正神辟  
二八方之凶鬼五色繒綵質命五龍五般錢  
財獻陳五帝莫斯醮禮以謝百神伏惟闔座  
尊神特垂鑒祐依方鎮守永致吉祥禍去福  
歸災消善集利康人物興盛家門在官者祿  
受昇榮在私者所求皆得福星進照積累福  
消宅舍光明戶庭肅睦綠窻繡戶四時之喜  
氣長盈香閣華堂八節之嘉聲益振然後動  
鑿興工四向無災眷屬一門以時康泰瘟疫  
不起風火無虞倉庫資財無諸耗散謝冥真  
於今夕留福祚於此時所獻錢財謹具燒化  
及弟子再拜奉送

靈寶半景齋儀終

神功妙濟真君禮文

法事如式

化二

伏聞神仙可格貴在精誠齋戒既莊自然獲  
福幸大道潛落於故里而下民賴庇於微生  
恭惟

九洲都仙太史高明大使至道玄應神功妙  
濟真君心融妙道躬握元圖素精天文律呂  
之書洞達元真陰陽之理除妖蕩孽而保安  
家國書符施藥而起死迴骸棄弓折矢悟傷  
生點石化金憂返本不習感人之幻術務存  
濟物之慈心魏魏盛德天可齊瞻瞻厥功言  
莫盡以今某虔依仙格謹運精誠藝發醮之  
龍涎迓翩翻之鶴駕伏願神功特達聖化須  
臾步彩霧戴朱旂暫別西山之勝境乘清風  
來白屋監觀北面之投誠眾等皈依志心讚  
禮

舉淨明普寶天尊

志心歸命禮天寶靈寶神寶玉清上清太清  
一系流形三尊應世舍光默默不言而令行  
四時指色空空無為而化生三景和大羅天